

Fuafuaga mo le Siitia o le Malupuipua o Nuu ma Afioaga mai Suiga o le Tau

Itūmālō o Faleālupo – Savai'i



Ta'iala o Galuega 2018

'Upu Tomua

E iā te a'u le ava tele e fa'ailoa atu ai Fuafuaga mo le Siitia o le Malupuipua o Nuu ma Afioaga mai Suiga o le Tau (Fuafuaga o le CIM) lea sã uluai fa'aigoaina o Fuafuaga mo le Vaaia Lelei o Aseta Tulata i le Sami. 'O le toe iloiloaina o nei fuafuaga na suia ai le faatinoina talu le uluai seti o fuafuaga na tapenaina mo itumalo e 15 i le tausaga 2002 - 2003 i lalo o le polokalame na faatupeina e le Faletupe o le Lalolagi ma le 26 itumalo mulimuli na faamaeaina i le tausaga 2004-2007 i le polokalame a Samoa mo le Vaaia lelei o Aseta Tulata i le Samoa na faatupeina e le Faletupe o le Lalolagi.

O le taimi nei ua lautele atu le fa'ata'atiaga o le polokalame ua iai nei ma ua aofia le atunuu atoa mai i tuasivi se'ia o'o i le ā'au (ridge to reef approach). Ua le gata i atinae tetele ae ua aofia nei totonu ma le siosiomaga ma punaoa faalenatura ae fapea foi ma alamanuia mo nuu ma afioaga aemaise a latou pulega lelei. O le Taiala o le CIM lea na afua mai ai fuafuaga o le CIM(CIM Plan) na toe teuteuina ia Aukuso 2015 'ina 'ia atagia ai le faataatiaga fou mo le faatinoina o lenei fuafuaga e le Malo ma ua iai le fuafuaga o le a faatinoina nei CIM I le vaitau e tai 10 tausaga ma toe iloilo nai lo le 5 tausaga na uluai fuafuaina ai.

O le Fuafuaga o le CIM 'ua avea nei ma faavae o galuega faatino mo Vaega autu tetele(Sectors) uma o le Malo e tali atu ai i Suiga o le Tau i se faiga faapolokalame a le Malo o Samoa e tapena ai le atunuu i auala e tali atu ai i Suiga o le Tau. Ma o galuega uma ua fuafuaina i totonu o CIM plan mo itumalo ma nuu taitasi ua faapea ona fesootai lea I le ausia o le Fuafuaga autasi a le Malo 2016/17 - 2019/20 faatasi ai ma fuafuaga a isi matagaluega a le Malo.

'Ou te fia fa'ailoa le sao tele o itumalo ma afioaga taitasi faapea pā'aga fesoasoani, Matagaluega a le Malo e aofia ai

Matāgaluega o Tinā ma Tama'ita'i, Nu'u ma Agafeso'ota'i
Matāgaluega o Galuega, Fela'ua'iga ma Ātina'e Tetele
Matāgaluega o Puna'oa Fa'alēnātura ma le Si'osi'omaga
Matāgaluega o Fa'ato'aga ma Faigāfaiva
Fa'alāpotopotoga o Mālosi'aga Tau Eletise
Pūlega o Feoa'iga i le Lau'ele'ele
Pūlega o le Suāvai o Sāmoa
Matāgaluega o le Soifua Mālōlōina
Matāgaluega o Tupe

Mātou te fa'afetaia fo'i le sao tele o pā'aga fa'avāomālō na fa'atupeina lenei galuega telee aofia ai Faletupe o le Lalolagi i lana Poloketi Faataitai mo le Siitia o le Malupuipua o afioaga mai Suiga o le Tau, le UNDP tauala mai le Adaptation Fund i le faatupeina o le galuega toe iloilo ma faafouina o nei fuafuaga o CIM Plans.

Oute tuuina atu nei Fuafuaga (CIM Plans) i paaga uma, i matagaluega, itumalo ma afioaga faapea paaga fesoasoani mo le faatinoina. Ua faamaonia o nei Fuafuaga (CIM Plans) o le a siitia ai le malupuipua o Samoa mai aafiaga o suiga o le tau

Faafetai,



Hon. Fiame Naomi Mata'afa
Minister of Natural Resources and Environment

Sui 'auai i le Fuafuaga

O le Fuafuaga o le CIM o le Fa'apā'aga i le vā o le Mālō o Sāmoa ma nu'u 'olo'o i totonu o vāega Fuafuaina. E 'āmata le Fuafuaga mai le tuasivi seia pa'ia le sami/ā'au, e vaevaeina vāega e 4; Ātina'e Tetele; Si'osi'omaga ma Puna'oa Fa'alēnatura; Alamanuia ma le lava o taumafa; ma Pūlega a Nu'u. E iai matafai o nei pā'aga i faafitauli i nei vaega tetele e 4 o le fuafuaga faatasi ai ma fofō e foia ai, ma o leni fuafuaga ua tuufaatasia uma ai auaunaga ma auala e siitia ai le saogalemu i le taimi nei ma le lumana'i.

O le Fuafuaga leni e aofia ai le Itūmālō Fa'afaipule o Falealupo (e aofia ai afioaga o Falealupo Tai ma Falealupo Uta).

O sui o nu'u na auai i le tapenaina o Fuafuaga o le CIM i le fa'apā'aga ma le Mālō o Sāmoa.

Aso na Sainia ai: 15 Iuni 2018

Falelupo Uta & Falealupo Tai

- Seula Lemoe Foamea
- Fuiono Patolo
- Taii Tulei
- Silialaei Tuala Seumanutafa
- Levi Titi Lamositele



'Ua fa'aaogāina e le Mālō o Sāmoa leni Fuafuaga mo le Siitia o le Malupuipua o Nuu ma Afioaga mai suiga o le Tau mo le Itūmālō Fa'afaipule o Gāga'emauga 2 o se fuafuaga autu e faatinoina ai le Taiala mo le Siitia o le Malupuipua o Nuu ma Afioaga tapenaina i le 2002, toe iloiloina 2006 & 2015. .

O le tapenaina o Fuafuaga o le CIM o loo taulamua ai le Matāgaluega o Puna'oa Fa'alēnatura ma le Si'osi'omaga fai ma sui o Matāgaluega a le Mālō ma Fa'alāpotopotoga e fa'amautū le auai o le Mālō o Sāmoa i le tapenaga o nei Fuafuaga ma le faaogaina e avea ma fuafuaga autu aua le faatinoina o le Taiala mo le Siitia o le Malupuipua o Nuu ma Afioaga uma mai Suiga o le Tau.



Ulu Bismarck Crawley

OFISA SILI, MNRE

Lisi o Vāega

‘Upu Tomua

Sui 'auai i le Fuafuaga

Uiga o Upu

1. Fa'ailoaina o Fuafuaga o le CIM

*Manulauti o Fuafuaga Fa'ata'atitia
'Auga o Fuafuaga o le CIM
Fa'atūlagaga o le Fuafuaga*

2. Ta'iala o Fa'atinoga

*Fa'amoemoega o Ta'iala o Fa'atinoga
'Umi o le Fuafuaga
Fa'atupega o le Fuafuaga*

3. Fa'amatalaga o le Itūmālō o Falealupo

*Fōliga Va'aia ma Puna'oa Fa'alēnatura
Tūlaga o Agafeso'ota'i ma le Tamāo'āiga
Maua'a o le Tau ma Lamatiaga*

4. Nu'u o Falealupo

Fa'afanua o le Nu'u o Falealupo Tai & Uta

5. Fa'afanua o Itūmālō uma o Savai'i

Uiga o 'Upu

Fa'afoga Fa'afuase'i	Tu'u atu i nu'u le tomai, fausaga ma alagā'oa 'ina 'ia mafai 'ona fa'amāsani, tali atu ma vave toe fa'aleleia i taimi o fa'alavelave fa'afuase'i.
Lava Taumafa (Mea'ai)	<p>E lava mea'ai pe 'ā maua 'uma e tagata i taimi 'uma, maua ma lava le tamāo'āiga, saogalēmū ma mālōlōina, ma fetau ma o lātou mana'oga tau mea'ai 'ina 'ia ola manuia ma mālōlōina.</p> <p><i>Maua o mea'ai:</i> Avanoa e maua ai e tagata ta'ito'atasi ālāmanuia talafeagai (fa'amanuiaga) e maua ai mea'ai e fetau mo se 'aiga mālōlōina. O fa'auigaga o fa'amanuiaga e pei o se seti o mea mana'omia 'uma e mafai ai e se tagata 'ona fa'avae mana'oga e fua i tūlāfono, faiga fa'apolokiki, tamāo'āiga ma agafeso'ota'i fa'avasegaina a le nu'u 'olo'o soifua ai (e aofia ai aiātatau fa'aleaganu'u e pei o le avanoa e maua ai ālāmanuia māsani)</p> <p><i>Iai mea'ai:</i> O le iai o mea'ai e lava ma lelei, 'ua tu'uina atu e fa'aaogā i 'āiga po o mea'ai 'auina mai fafo (e aofia ai ma mea'ai mai fesoasoani)</p> <p><i>Fa'atūmauina:</i> Mo le fa'atūmauina o mea'ai, e tatau 'ona maua mea'ai e talafeagai i taimi 'uma mo se faitauga aofa'i o tagata, o se 'āiga po o tagata ta'ito'atasi. E lē tatau 'ona lē maua avanoa i mea'ai 'ona o se fa'afitāuli fa'afuase'i (ft. se fa'alētonu o le tamāo'āiga po o le tau) po o ta'amilosaga o ni mea tutupu (ft. lē lava mea'ai 'ona o mea'ai fua fuata). O le va'aiga la fa'alemāfaufau i le fa'atūmauina, o le iai ma le lava o mea'ai i ona vāega 'uma.</p> <p><i>Fa'aaogaina:</i> Fa'aaogaina o mea'ai e 'auala atu i le lava o mea'ai taumafa, vai mamā, tūmamā ma le tausia o le soifua mālōlōina 'ina 'ia 'ausia le ola mālōlōina e tali atu i mea e mana'omia e le tino. E ta'u mai ai ma le tāua o isi mea fa'aaogā e le'o ni mea'ai 'ina 'ia lava mea'ai</p>
Lamatia	O se 'auala e ono lamatia ai po o se tūlaga e ono fa'aleagaina ai.
Sone Lamatia	<p>Nofoaga 'ua fa'ailogaina e ono lamatia pe ono a'afia ai 'ona o lamatiaga i se vaitaimi fa'atūlagaina mo su'esu'ega. E ono sone lamatia 'olo'o fa'atatau i ai le su'esu'ega lenei:</p> <p>ASCHs (nofoaga ma'ale'ale e lamatia ai le talafātai);</p> <p>CEHZs (sone lamatia e tafi'esea ai le talafātai);</p> <p>CFHZs (sone lamatia i lōloga o le talafātai) ma</p> <p>CLHZs (sone lamatia i 'ele'ele solo o le talafātai)</p> <p>CIHZ (sone lamatia e lōfia ai le talafātai)</p> <ul style="list-style-type: none">- Lōfia o le Talafātai 0 i le 15mASL – sone vave lōfia o le talafātai- Lōfia o le Talafātai 15 i le 20mASL – 5-mita lē mautinoa le pupuni e soso'o ma le sone vave lōfia (e māfua 'ona e le'o sa'o 'ātoatoa le LiDAR)- Lōfia o le Talafātai 20 i le 50mASL – sone lamatia fa'aopoopo mo le fa'amoemoe e fua/fuafuaga o le nofoaga o fausaga e puipui ai mai sunami i tala atu o le laina 0-20mASL. Fa'amolemole mātau lelei, o le lamatia i sunami e aofia ai le 0-20mASL, lona uiga o sone lamatia o sunami e tatau 'ona aofia ai ma le 0-15mASL ma le 15-20mASL polikone fa'apēnā fo'i ma le 20-50mASL polikone- Lōfia o le Talafātai 50 i le 55mASL – 5-mita lē mautinoa le puipui o le sone lamatia o fa'atulagaga o le sunami (e māfua 'ona o le lē sa'o 'ātoatoa o LiDAR) <p>IFHZ (sone lamatia vave pāpā i tāfega) i totonu o 'auvai tofē o vaitafe loloto i vanu</p>

- Tāofofiga o pā o 'auvai – 5m puipui i so'o se pito o le 'auvai
- Sone 'olo'o totō ai lā'au i 'auvai o vaitafe e fa'atonutonu ai le tafe solo o le vai –
20m puipui i so'o se pito o le 'auvai

Ātina'e Tetele	O ātina'e tetele ma 'auala o feso'ota'iga, e lagolago ai le atunu'u, itūmālō po o le nu'u <i>Ātina'e Tetele e Ola ai:</i> O ātina'e tetele e aogā sa'o i le fa'asaoina o le nu'u e mafai ai 'ona tali atu ma toe fa'aleleia i taimi o fa'alavelave mātuiā. <i>Ātina'e Tetele Tulagalua:</i> O ātina'e tetele e aogā mo ātina'e a le nu'u i aso uma.
Ta'iala o Fa'atinoga	O se fa'amatalaga e limata'ita'ia ai le fa'aaogāina o le lau'ele'ele ma puna'oa 'ina 'ia 'ausia 'autū ma'oti, fa'anaunauga ma faiga fa'avae, ma aumai ai se 'auivi e fa'atino ai galuega ma gaoioiga mana'omia.
Fa'afitāuli	O se popōlega ma'oti e fa'atatau i māfua'aga ma a'afiaga.
Fa'aaogāina o le Laufanua ma Puna'oa	O le fa'aaogāina o le laufanua ma puna'oa e le nu'u, mo agafeso'ota'i, tamāo'āiga po o isi fa'amanuiaga (ft. fa'aaogāina o le fanua e aofia ai vāega 'olo'o fa'aaogā e le nu'u po o meatotō, fa'aaogāina o puna'oa e aofia ai le 'eli ma la'uina o le oneone, 'eli ma la'u ma'a po o fāgotaga).
Ola	E fa'atatau i le ōlaga o se tagata po o se vāega " 'ia fa'amautū mea mana'omia – mea'ai, vai, fale ma lavalava – o le ola".
Tulimata'i	O le fa'agāsologa o fua e tulimata'i suiga aogā po o a'afiaga o polokalame ma galuega ma fua āga'i i tapula'a, la'asaga ma taunu'uga na mate'ia 'ole'ā tutupu
Gafatia:	O le mafai 'ona fa'amāsani, tali atu ma vave 'ona toe fa'aleleia. <i>Gafatia o Nu'u:</i> O le mafai e le nu'u 'ona fa'amāsani, tali atu ma vave 'ona fa'aleleia mai a'afiaga mātuiā e lamatia ai. <i>Gafatia Fa'alēnatura:</i> O le mafai e mea fa'alēnatura 'ona fa'amāsani, tali atu ma vave 'ona toe fa'aleleia mai le fa'agāsologa fa'alēnatura po o mea e lamatia ai.
A'afiaga	O le tūlaga e ono tupu ai se mea ma a'afia ai fa'anaunauga. E fua āga'i a'afiaga ma mea e ono tutupu. O le fa'auigaga o le Fuafuaga o Fa'afoga Feso'ota'i ma Nu'u o mea e ono tutupu i ātina'e tetele, si'osi'omaga ma puna'oa o mea e ola, o fa'ato'aga ma puna'oa o le talafātai (lava mea'ai) e ono lamatia ai fanua i gā'uta ma le talafātai ma ono fa'aleaga ai meatōtino, ola ma le laufanua 'ona o fa'agāsologa fa'alēnatura.
Tagata e a'afia ai	O tagata ma fa'alāpotopotoga e ono a'afia ai pe 'ua a'afia fo'i, pe fa'apea 'ua a'afia ai ma lātou 'ona o se fa'ai'uga po o se gaoioiga. E ono fa'auiga fo'i 'ina 'ia aofia ai ma i latou e fia māmalamama ma fia 'auai.
Fuafuaga Fa'ata'atia	O le fa'atonuga po o se fa'asologa o gaoioiga e fai 'ina 'ia 'ausia se vāega patino.
Suigatā	O le tūlaga e o'o i ai se meatōtino fau e ono āfāina ma fa'aleagaina i a'afiaga o le talafātai ma lē faigōfie pe faigatā, taugatā pe taugōfie 'ona sua. E tutusa le fa'auigaga o le suigatā ma le mauagatā i le fa'aaogāina o le Fuafuaga o Fa'afoga Feso'ota'i ma Nu'u 'ona e tai uiga tutusa 'upu o le suigatā ma le mauagatā i fa'a'upuga fa'asāmoa.
Manulauti	O se va'aiga mamao e tini i ai se fa'anaunauga

1. Fa'ailoaina o le Fuafuaga o le CIM

O le Vaaiga Mamao

Ua saunia le Fuafuaga mo le Siitia o le Malupuipua o Nu'u ma Afioaga mai Suiga o le Tau (CIM) mo le Itūmālō o Vaa o Fonoti e fai ma vāega o Fa'atupega Fa'amāsani a le Mālō o Sāmoa – *Polokalame e Si'itia ai le tulaga gafatia e Nu'u o Sāmoa ona tali atu i Suiga o le Tau*. O le Fuafuaga mo le Siitia o le malupuipua o Nu'u ma Afioaga mai Suiga o le Tau o se tasi lea o māfua'aga laualuga i le fa'atinoaina o Fuafuaga Fa'ata'atitia, lea na taliaina āloa'ia e le Mālō o Sāmoa iā Fepuari 2001 ma toe fa'afou i le taimi nei i le 2015 e fai ma fa'atonuga o le Fuafuaga Fa'ata'atitia 'ina 'ia si'itia ai le maua'a o nu'u, ātina'e tetele, si'osi'omaga ma puna'oa fa'alēnatura e afua mai i le tuasivi seia pa'ia le ā'au i le gataifale. O le manulauti o le Fuafuaga Faataatia:

Tulaga Gafatia o Suiga o le Tau – Ōlaga i le Nu'u, Ātina'e Tetele, Si'osi'omaga ma Puna'oa
Fa'alēnatura i
Suiga o le Tau ma Mala Fa'alēnatura

E fa'aaogā e le Fuafuaga o le CIM le manulauti lea ma fa'ailoa mai fa'atinoga mo'omia mo nu'u ma le Mālō e fa'atino fa'apā'aga ai le Fuafuaga Fa'ata'atia. *O le maua'a o le fa'amāsani, tali atu ma vave ona toe fa'aleleia 'ina 'ia fa'asoasoa tatau e le nu'u le tamaoiga mai le si'osi'omaga ma agafeso'ota'i.* (Fuafuaga o le CIM, 2015).

O le 'Auga o le Fuafuaga o le Fa'afoga Feso'ota'i ma Nu'u (CIM)

O le 'auga o Fuafuaga o le CIM o le fesoasoani i nu'u ma le mālō 'ia si'itia le tulaga e ala i le fa'ailoa o gaoiga fa'atino ma fofō 'ua iloa e aupito lelei e tali atu ai i fa'afitāuli 'ua fa'ailogaina. E lē o fofō 'uma e mafai 'ona fa'agaoioi vave i le taimi nei, 'ae o le fuafuaga e fa'amautinoa ai fa'afitāuli ma filifiliga 'ua fa'ailoaina mo le fa'aleleia o ōlaga o le nu'u, ātina'e tetele, si'osi'omaga ma alagā'oa mo se vaitaimi 'umi.

O le Fuafuaga o le CIM 'ole'ā:

1. Fa'aleleia ai le mālmalama o le nu'u i a'afiaga lamatia mai le tuasivi i le ā'au;
2. Mafai ai e le nu'u fa'apea ma i lātou 'olo'o maua mai ai le 'au'aunaga 'ona fa'atino, fa'atupe ma maua mai fesoasoani fa'apitoa i vāega uma fa'ata'au i le tau, e fa'aititia a'afiaga e lamatia ai le laufanua ma le talafātai o nu'u.
3. Mafai ai e le nu'u ma i lātou 'olo'o faia 'au'aunaga mo le mālō e ala i 'au'aunaga tau ātina'e tetele, ōlaga, si'osi'omaga ma puna'oa fa'alēnatura 'ona fa'amāsani, tali atu ma toe fa'aleleia mai afā.

Fa'atūlagaga o le Fuafuaga

E lua vāega o Fuafuaga o le CIM e tofu ma le fa'amoemoe e patino i ai.

- *Tapenaina o le Fuafuaga*, 'o lo'o fa'amatala mai ai le fa'agāsologa o le iloiloaina o Fuafuaga faatasi ma sui auai o Nu'u, o le Mālō ma isi sui 'olo'o iai o latou faamoemoe i le vāega o Fuafuaina.
- *Ta'iala o Galuega*, o loo fa'amatala ai Fuafuaga ma galuega ua fautuaina na afua mai i galuega sa faatino, Ua faailoa ai foi ma paaga/matagaluega e faatinoina ia galuega fuafuaina. O loo faapea foi ona faafetaia fa'apitoa i totonu o lenei Taiala o Galuega sui uma na 'auai i le tapenaina o nei Taiala o Galuega.

2. Ta'iala o Galuega

Fa'amoemoega o le Ta'iala o Galuega

'Olo'o fa'ailoa mai i Ta'iala o Galuega fofō e si'itia ai le tulaga gafatia e nu'u i le vāega Fuafuaina ma 'auala e fa'atino ai ia fofō. 'Olo'o fa'avasega fofō mo vāega 'ese'ese fa'atatau i auala le ōlaga o tagata, ātina'e tetele, si'osi'omaga ma puna'oa fa'alēnatura, ma e i le feoloolo i le maualalo le maua'a o ia fofō. 'Olo'o fa'amauiina fo'i pe 'ā iai se fofō e maua ai fa'amanuiaga a isi vāega o le ōlaga o tagata, ātina'e tetele, si'osi'omaga ma puna'oa fa'alēnatura, i lalo o "Isi Fa'amanuiaga". O le matāfaioi fai fa'atasi a nu'u ma le mālō fa'atinoga nei. O le matāfaioi a le mālō le tu'uina mai "Fa'alaua'itele" i le atunu'u ma itūmālō, ātina'e tetele ma 'oloa mo tagata lautele, ma fa'amanuiaga e maua mai 'au'aunaga tau le si'osi'omaga ma puna'oa fa'alēnatura, 'ae o le matāfaioi a nu'u le silasila i le lōtoifale e fa'atautaia ai ātina'e tetele ma ōlaga masani e feso'ota'i ma fa'atinoga nei. 'Olo'o fa'ailoa mai fo'i vāega ma a latou matāfaioi mo le fa'atinoina o gaoioiga mana'omia. E tatau 'ona iloilo fa'atasi fofō mo le Itūmālō ma le Nu'u i le tūlaga e feso'ota'i ai matā'upu i le ōlaga o tagata, ātina'e tetele, si'osi'omaga ma puna'oa fa'alēnatura. O le matāfaioi lea a pā'aga 'uma e lua, o le ō mai fa'atasi e fa'afae atina'e feso'ota'i ma nu'u.

O le matāfaioi masani lava a Ali'i ma Faipule ma 'Āiga i totonu o le nu'u, o le fa'atino o fofō e feso'ota'i i le ōlaga, ātina'e tetele, si'osi'omaga ma le puna'oa fa'alēnatura. E ono maua mai le Mālō fautuaga ma alagā'oa e fesoasoani ai i le nu'u i le fa'atinoina o ia fofō. O le tele o ia fofō e fa'amanuiaina ai fo'i nu'u ma itūmālō mai ātina'e tetele ma puna'oa, ma 'oloa o le si'osi'omaga e fa'asoasoa i nu'u. E tatau 'ona silasila i ia fofō o se galuega feso'ota'i fa'atasi e fa'amālosia ai le maua'a o nu'u i ona vāega 'uma.

'Umi o le Fuafuaga

E ta'isefulu tausaga ma toe iloilo Fuafuaga o le CIM 'ae ta'ilima (5) tausaga ma tulimata'i pea fofō fa'atinoina i le vaitaimi lea o le Fuafuaga 'ina 'ia mautinoa 'olo'o lelei 'ona fa'atino fofō mana'omia ma si'itia fo'i le maua'a o galuega e fa'aleleia. E fa'afeso'ota'i le 5 tausaga o tulimata'i le Fuafuaga o le CIM fou ma le 5 tausaga ma toe iloilo **fuafuaga ma polokalame 'autū aoao** mo Sāmoa: *Ta'iala mo le Ātina'e o Sāmoa* (SDS). 'Olo'o fa'amauiina i Fuafuaga o le CIM fou le iai o nisi o fofō e silia ma le 5 tausaga o fa'atino, a o isi e o'o lava i le 10 tausaga o fa'atino 'ona o le lavelave o fa'agāsologa o fuafuaga, fa'atupega ma le fa'apolokalameina o pāketi mana'omia e fa'atino ai ia fofō.

O fa'atinoga au'ilī'ili o se fofō e fua i ai mea mana'omia e tulimata'i ma Fa'ailo 'Autū o Galuega Fa'atino.

Fa'atupeina o le Fuafuaga

O fa'atinoga o fofō pito lelei o le taumafaiga fai fa'atasi a sui 'uma mai fa'alāpotopotoga fa'apitoa, o pā'aga fesoasoani i le fa'atupega ma sui lava mai itūmālō ma nu'u. E 'ese'ese auala e fa'asolosolo atu ai le fa'atupega o nisi o galuega e āmana'ia ai le Mālō o Sāmoa ma 'auala fa'apolokalame e tali atu ai i a'afiaga o le suiga o le tau i ana ātina'e alualu i luma. 'Olo'o taumafai i le mea e gata ai e fa'amuumua galuega mana'omia e fau ai le maua'a o Sāmoa ma ona nu'u e ui 'olo'o iai fo'i isi galuega e le'o mafai 'ona fa'atupe e le Mālō i le taimi lava lea. 'Ole'ā fa'atino fofō pito i lelei i se fuafuaga fa'ata'atia e fa'asolosolo mai tupe maua, **pe 'ā** fa'apea o se galuega fa'amuumua a le CCA, e fau ai le maua'a o nu'u ma Sāmoa i lona aotelega. O aiaiga nei e fua i ai le fa'amuumua o fofō pito i lelei a le CCA mo le fa'atupeina:

- 'olo'o solo lelei le ātina'e mana'omia e tusa ai ma fa'anaunaga o Fuafuaga Fa'ata'atia a le CIM;
- 'olo'o ma'oti le ātina'e lea i fautuaga o Fuafuaga a le CIM
- aofa'i o tagata 'ole'ā fa'amanuiaina mai le ātina'e lea, e pei o le aofa'i o tagata e manuia ai
- e 'umi le ola o le ātina'e e fesoasoani ai i le nu'u
- itiiti pe lēai se a'afiaga tele i le si'osi'omaga
- 'ole'ā si'itia le maua'a mai le ātina'e
- e vave 'ausia le toe fa'aleleia o le ātina'e
- 'ole'ā fa'aitiitia a'afiaga mai le ātina'e
- 'olo'o fa'amuumua fo'i i isi Fuafuaga a Vāega po o Fuafuaga Fa'ata'atia Aoao

Na fa'atupe e le Faletupe a le Lalolagi le Polokalame Fa'ata'ita'i mo le Maua'a o le Tau e Fa'aleleia le Maua'a o le Tau mo Puna'oa o le Talafātai ma Nu'u (PPCR ECR) ma tapena ai pepa 'autū e lua (2):

-
- *Fuafuaga e Fesootai ai Nu'u (CEP)* - o ta'iala 'olo'o i le CEP o se meafaigaluega pito i lelei e fa'ato'atele ai tagata mālamalama. E mafai 'ona fa'aaogā e le CSO ma nu'u e fesoasoani ai iā i lātou lava pe 'ā talosaga mo fa'atupega lāiti mo ātina'e e o fa'atasi ma isi faiga 'olo'o fa'atupe ai ātina'e lāiti e pei o le CSSP ma le UNDP-GEF SGP.
 - *Soā Polokalame i Itūmālō (DSP)* - o ta'iala 'olo'o i le DSP e fa'asino tonu i itūmālō ta'itasi po o polokalame tu'ufa'atasi a itūmālō e manuia ai se aofa'iga to'atele.

A mātauina 'auala fa'apolokalame a Sāmoa i le CC ma le CCA, o pepa 'autū ia e fa'ata'imua i ta'iala a pā'aga ātina'e, o sui fa'atino ma isi 'olo'o a'afia e va'ai i 'auala pito i lelei e fa'atōtoga ma lagolago ai polokalame fa'amāsani i suiga o le tau e fa'atalanoa ma nu'u ma itūmālō. O nu'u ma itūmālō 'olo'o fa'aaogāina polokalame ia a le CCA 'olo'o lātou 'ausia le tele o fa'ailo 'autū i vāega 'ese'ese o Fuafuaga i Vāega, ma 'ausia fo'i ma fa'ailo 'autū a le atunu'u 'olo'o i totonu o le *Ta'iala mo le Ātina'e o Sāmoa (SDS)*.

3. Fa'amatalaga o le Itūmālō o Faleālupo

3.1 Fa'ata'atiaga o Fōliga Va'aia ma Puna'oa Fa'alēnatura

E i le tumutumu fua o le itū i sisifo o le motu o Savai'i le itūmālō o Faleālupo. Na matuā fa'aleagaina le gātaifale o Faleālupo i afā o 'Ofa ma Valelia i le 1990 ma le 1991. Na toe lavea fo'i i afā o Heta ma Evani i le 2004 ma le 2012. Na matuā fa'aleagaina ai fale, auala ma le gātaifale. Se'i vāganā ai nai fale matāfaga fou fa'ato'ā fau atu nei ia e tutū i tai, 'ae ua lē toe iai nisi o le nu'u o nonofo i le itūala o le sami i le auala gālue 'autū e ui atu ai i tai i le 'a'ai. E i totonu o le sone mātūtū le itūmālō. E maualugā toe laugatasi fōliga va'aia o le 'ele'ele e fa'asolo malifa i tofē ma ālia ia e māfua le tafealuga o le vai. E vāiti le tolotolo o ma'a o le lava i le vāega e gata ai le sami. E tele 'ina susū le tau i gā'uta e aofia ai ma nai vāega lāiti e tau mātū i taimi o mūgālā ma latalata i le sami. E maugā uta o le fanua ma soso'o atu ai ma fanua tofē e tovā i vanu.

E le'o iai ni vaitafe va'aia i le itūmālō 'ae e iai vaivili a le SWA 'olo'o fai i uta o Faleālupo uta lea e fa'asoa mai i le itūmālō 'ātoa o Faleālupo. E fesoasoani i ai ma vaitimu fa'atali 'ona e laveagōfie i lāmala. E maualalo fo'i le suāvai timu e maua i lea vāega o Sāmoa. E i lalo ifo o le 1,000mm le suātumu maua i vaitau mūgālā mo le itūmālō lea pe 'ā fua i le suātumu maua 'ogātotonu o le 2,000mm mo le tausaga 'ātoa. E iai le fua suāvaitimu maua a le 'Ōfisa o le Vā'aitau 'olo'o fa'apipi'i i Faleālupo. E lipotia mai e le nu'u le maualuga o le vaisualua i le tele o aso o le vaiaso. Na iai nai vaipuna i gātai i le fa'asi'usi'uga i sisifo o Faleālupo tai i le auala aga'i i Tufutāfoe. Na lilofia uma ia vaipuna e le suāsami talu mai le Fuafuaga o le CIM 2007, ma ua le'o toe talafeagai i le taimi nei mo le faiga o mea'ai po o le vai inu. E tele 'ona fa'aaogā le vai mai vaipuna mo tā'elega ma tāgāmea.

Toetoe o le ulua'i nu'u 'ātoa o Faleālupo lea ua si'i 'uma i uta i le auala tipi i totonu 'ina 'ua mē'a faiga lē alofa o afā o 'Ofa ma Valelia ia na matuā fa'atama'iaina le nu'u 'ātoa. Tusa o le feoa'iga ma le sifi aga'i uta na mafai 'ona o le auala tipi ma ua fai ai ma nofoaga fou a i lātou na nonofo i tai. O nofoaga lava na si'itia i ai tagata na mulimuli ai fo'i ma meatotō ma lafumanu. E iai le nofoaga vailalao o Faleālupo i le vāega i tai ma 'olo'o fa'ailoa mai i le fa'afanua a le itūmālō nisi o fale o 'āiga 'olo'o iai tonu lava i totonu po o le latalata tele i sone puipuia o 'auvai sopovale. . Lona uiga so'o se vai filogia mai tāfega i uta 'ole'ā tafe tonu i nofoaga vailalao ma 'ele'ele latalata i le sami.

O meaola ma feso'ota'i 'olo'o i le talafātai o le itūmālō o Faleālupo e iloagōfie i lona vāega ma'ā, nofoaga vailalao i Avata ma fa'asolo atu lava i le 'ogātotonu o pitonu'u o Faleālupo tai ma togāmago fou 'olo'o iai. E tele i lā'au o le fau ma le toitoi itū'āiga lā'au ia e puipui ai le gātaifale, fa'atasi ai ma tama'i niu e feosoi solo mai niu mātutua 'olo'o tutū valavala solo. E tele i le lā'au o le laulala e feosoi solo mai i lalo o niu fou i le vāega o le auala aga'i i Tufutāfoe. 'Olo'o fefiloi fa'atasi ma isi lā'au māsani o itū'āiga 'ese'ese e pei o fau, tavai ma le lusina. O le vāega lea na lilofia i le oneone i le taimi o afā i le 1990 ma Heta i le 2004 lea pei ua māfua ai le suiga i lā'au ma le putuputu o itū'āiga lā'au 'ese'ese. (Reti, 2016).

E latalata i le 20m le mamao o le ā'au i le itūmālō o Faleālupo mai le 'ele'ele i Avata ma avea ai lea ma māfua'aga o 'eligāoneone 'olo'o fai ai i lea nofoaga. E lēai ni faiga e fa'atama'ia ai i'a (fanai'a po o le fa'a'onanā o i'a) e pei ona lipotia mai e tagata o le nu'u lea e fa'aaogā 'ālia e fāgogota ai i tua atu o le ā'au. E mālosi le fafati o galu i le aloalo mo faigāfaiva māsani fa'aleaganu'u. O le māfua'aga lea e tele ai le faigāfaiva a le nu'u i tua atu o le ā'au ma le aloalo. E la'itiiti lava se vāega to'a mai a'afiaga o auala sopo po o isi gaoioiga fa'aletagata e a'afia ai le ā'au ma le aloalo a le itūmālō, 'ona e mimitigofie e le 'ele'ele le vai (Reti, 2016)

O le tele o le vāega maualuluga o le togāvao o Faleālupo na fai ai 'ililaupapa a kamupanī 'ese'ese i le vaitaimi o le 1970 i le 1980. E ese mai lea i le vāega pito i lalo o le togāvao o Faleālupo lea e puipuia e le Nofoaga ua fa'asaoina mo le 'ausavavali i luga o la'autetele, 'ae o le vāega maualuluga lava ia na telē le fa'aleagaina ona o le tatu'u o lā'au e fai ai laupapa, fa'ato'aina o le 'ele'ele e fai ai fa'ato'aga ma le fa'aleagaina e matagi. O le fa'aleleia ma le fauina o auala gālue e alu i vāega maualuluga ua ātili ai 'ona lēai se vaomatua 'ona ua fa'ato'a ma tatipi uma ai lā'au māsani o le vaomatua. O le isi māfua'aga lea ua fa'aitiitia ai ma le aofa'i o manu māsani o itū'āiga 'ese'ese 'olo'o maua i Sāmoa e aofia ai le lupe (Reti, 2016).

3.2 Tūlaga o le Agafeso'ota'i ma le Tamāo'āiga

O le lipoti lata mai nei o le faitauga aofa'i o tagata ma fale 'olo'o fa'ailoa mai ai e 545 le faitauga aofa'i o Faleālupo, 275 tama'ita'i ma ali'i e 270. E le'o aofia ai ma le faitau aofa'i o tagata i Avata ma Vaotupua. O le faitauga aofa'i o Avata e 360 a o Vaotupua e 186. A tu'u fa'atasi 'ona maua ai lea o le aofa'iga sa'o e 1,091 mo le Itūmālō o Faleālupo. Toeitiiti a ulua'i nu'u 'ātoa o Faleālupo ('āmata mai Avata) lea na toe si'itia uma i uta i le 'aualatele. E to'alāiti lava nai 'āiga 'olo'o nonofo ai pea i tai latalata i le sami ma o le māfua'aga lea ua vaeluaina ai i nofoaga ma'oti e lua le nu'u: o le isi i Faleālupo tai ma le isi 6km aga'i i uta i Faleālupo uta. E tele ina salalau solo i le 'aualatele o Faleālupo ātina'e e fai i Faleālupo uta. O i lātou 'olo'o nonofo i Faleālupo tai e tele 'ina putuputu fa'atasi i le vāega a tasi i le itū i gātai, latalata i le Tolotolo o Vaitoloa. O le nofoaga e tele i ai mata'aga ma lauiloa i tūrisi o le Alasavali i Luga o Lā'au e iloa lelei atu ai le Fa'asao o le Vaomatua o Faleālupo. 'Olo'o tu tonu lea mata'aga i le Auala o Faleālupo lea e feso'ota'i i vāega 'uma e lua o le nu'u. 'Olo'o iai fale'oloo lāiti i Faleālupo uta, fa'apea ma le Western Union e tala mai ai tupe fa'amomoli, a o Faleālupo tai 'olo'o iai fale matāfaga e nonofo ai tagata tafafao fa'apea ma le fale'oloo. E tu le ā'oga tūlagalua a Faleālupo Primary School i Faleālupo uta, latalata i le 'aualatele.

O 'aualatele uma lua e iai le Auala o Faleālupo ma 'auala gālua 'olo'o i le vā o nu'u ma o se ātina'e tele e fa'atāua tele e le itūmālō. O le tele o le vāega o le Auala o Faleālupo 'olo'o lelei se'i vāganā le auala i tai i le va o Avata ma Faleālupo tai e le'o fa'atāina ma tele 'ina lōfia e le sami i taimi e sua ai le tai. E faigatā ma taugatā lava 'ona toe fa'aleleia lea auala 'ona e latalata tele le auala i le sami toe lēai se ā'au e puipuia lea vāega mai galu. Ae ui i lea, o le ātina'e tele o auala e va'ai i ai o se "ola-fa'alagolago" ona o le 'aualatele ma auala galue i le va o nu'u ia o Faleālupo e fa'aaogā e ui ai i ā'oga mauaululuga, fale'oloo ma fale tau soifua mālōlōina, fa'apea ma le ui atu ai i itūmālō 'olo'o soso'o i ai. O le auala gālua 'olo'o soso'o ma le sami e a'afiagōfie ma **maualuga** le ono a'afia ma lē va'ai i ai o se auala sopo e fa'alagolago pe fa'amoemoe i ai ola soifua o tagata.

O ālātupe a le Itūmālō e tele i le itū tau galuega māsani fa'aleaganu'u. O le to'atele o tagata o le nu'u e tele 'ina fa'amoemoe ma fa'alagolago i a lātou ma'umaga ma le faigafaiva. E lē tele ni fale matāfaga o iai i Faleālupo tai e mafai ai 'ona tali tagata e fia momoe ai mo le po ma asiasi ai i mata'aga ma vavau o Faleālupo (Alasavali i Luga o Lā'au, Vae o Moso ma le Vai Sua Toto ma isi nofoaga fa'apēnā) ma Tufutāfoe. E to'alāiti lava se fuainūmera o tagata e mafai 'ona maua mai ai se isi vaegātupe mai ia galuega. O le fai faima'umaga ma galuega fa'afa'ato'aga e tele i ai galuega a i lātou e mamao mai le gātaifale. O le 'avanoa e o'o ai' i le Fa'asao o le Vaomatua o Faleālupo o le ui atu lea i le vāega ulufale o le Alasavali i Luga o Lā'au. 'Olo'o maua mai ai se ālātupe fa'aopoopo a le nu'u mai lea vāega 'ona e totogi tagata e fia ō e matamata i le vaomatua.

E mana'omia tele se gaioiga vave e puipuia ai nofoaga putuputu e le'i lōtea e nisi e pei o le vaomatua fou o mago ma le laufanua vailaloo o Faleālupo, 'ae le'i suia ia nofoaga ma fa'ato'aina e le nu'u mo ātina'e tau fa'ato'aga. O se taumafaiga fai fa'atasi a 'āiga 'olo'o iai aiātata i fanua fa'aleaganu'u o lea vāega o Faleālupo ia ua ta'utino e fai lea vāega o se Vāega 'Autū e Puipuia (KPA); o le fa'aaogāina o lea vāega e fai o se ātina'e fa'aturisi e fa'atāua ai le ola fa'alēnatura o meaola 'olo'o iai, 'ae o se isi ālātupe mo 'āiga ma le nu'u.

'Ua mautū le faiga o vaitimu fa'atali i totonu o le itūmālō ma 'olo'o fa'aaauu pea fa'atasi ma le lagolagoina o lea faiga 'ina fai ma fautuaga pito i fa'amuamua e lagolago atu ai ma vaivili 'olo'o fa'atino nei e le SWA fa'atasi ma le faiga o le suāvai maua 'olo'o fai i le Penisula o Faleālupo (Tokalauvere, 2017).

3.3 A'afiaga ma le Maua'a o le Tau

O le fa'aaogāina o fa'amaumauga tau fa'afanua o le LiDAR, ma fa'amaumauga na maua mai i le tagata su'esu'e i le suāvai ma le tagata su'esu'e i le fa'atūlagaga o le laufanua ua fesoasoani tele i le fa'ailogaina o sone lamatia i uta ma tai, fa'apea ma vāega e mauauluga a'afiaga mo Faleālupo. O a'afiaga tonu 'olo'o feagai ma Faleālupo tai o le lōfia o le gātaifale, sunami ma le si'isi'i o le sami fa'apea ma lamatiaga mai tāfega. O nisi o vāega 'olo'o tutū tonu i le sone matāfaga sunami 'ātoa uma (po o le "sone mūmū"). Pe 37 heta o le itūmālō lea e aofia ai i totonu o le sone matāfaga o le sunami 'ātoa lea. E lēai ni fale o tutū ai i totonu o le sone lea. Peita'i, e 417 heta o le itūmālō 'olo'o i le sone lanumoli o le nofoaga saogalēmū e sōsola i ai i le taimi o le sunami. E 33 fale 'olo'o tutū ai i totonu o oe sone lea, e aofia ai ma le faleā'oga tūlagalua o Faleālupo Primary School. O le tele fo'i o fale ia e 33 'olo'o iai fo'i i totonu o sone e lamatia i tāfega o vaitafe.

O se vāega o le Auala o Faleālupo e fa'asolo atu lava i le vāega o le gātaifale lea 'olo'o iai sone e vave 'ona lōfia ma le sone 'ātoa e fa'apitoa i le matāfaga sunami. E lavea ai fo'i ma nisi o ia vāega i le a'afiagōfie i sone lamatia o tāfega o vaitafe ma avea ai fo'i ma nofoaga e mauauluga a'afiaga e o'o i ai. O le auala i 'āiga 'olo'o nonofo i le gātai pe 9km le mamao mai le Auala i le Talafātai i Mātū lea e le'o fa'atāina fo'i le tele o le vāega o lea auala.

E matuā mana'omia se faiga vave e fai ai auala e mafai 'ona tali atu i le tau ma fai ma ātina'e tetele ma fale o 'āiga 'ia maua'a, ma fautuaina ai ma le toe si'itia i uta o 'āiga 'ina 'ia mamao mai le vāega a'afiagōfie i le vaega 'olo'o gata ai le sami. Peita'i, e mana'omia fo'i se au'ili'iliga o tau o fa'amanuiaga e fua i fa'amanuiaga e fai ma le toe fa'aleleia o alasavali 'olo'o iai nei ma lē mafai 'ona o'o i ai ta'avale pe 'ā va'ava'ai fo'i i le isi itū o le fa'asaoina o vāega fou ma le'i fa'ato'aina 'olo'o totoe i totonu o Faleālupo. O le fa'aaogāina o isi auala e fai ma fofō i se si'osi'omaga lelei e pei o le toe fai fa'alelei o le matāfaga i lona tūlaga na iai muamua, o se isi lea vāega e tatau 'ona su'esu'e ātili mo Faleālupo tai.

O vāega 'olo'o iai fa'ato'aga e ono fa'alētonu i vaitaimi 'umi e lē maua ai se timu ma a'afia ai ma meatotō a 'āiga fa'atasi ma le si'itia o le maua'a o le soifuaga o le nu'u i le fa'afoega o ālātafe i luga o le 'ele'ele. E mana'omia e le nu'u le suāvai, fa'asaoina o niutereni po o mea'ai o le 'ele'ele, maua itū'āiga lā'au māsani 'ese'ese ma galuega e maua ai le tele o isi meatotō ma lafumanu fa'apea ma le māketi e fa'atau atu i ai. A maua uma mea ia, 'ole'ā ātili maua'a ai le faiga o fa'ato'aga (pei o le 'auga lea o le ola i nu'u i tua). O fa'ato'aga 'olo'o fai latalata i le gātaifale e ono ātili āfāina ma fa'aleagaina ona matagi māloloji. O nisi o vāega e maualalo le tūlaga 'olo'o iai ma ono fa'aleagaina e matagi māloloji ma sao mai ai ma le suāvai sami. E le tutusa uma a'afiaga i suiga o le tau mo le itūmālō ona e le'o mautinoa le itū'āiga si'itia o le vela e ono o'o i ai fa'apea ma suiga o le vaitimu e maua ona o suiga o le tau (Dews, 2016).

4. Itūmālō o Faleālupo

Fofo Fuafuaina o le CIM

Ātina'e Tetele	Fofo Talafeagai	Fa'amanuiaga	Ta'iala Fesoasoani i Fa'atinoga	Taiala ma Fuafuaga Talafeagai ma Faiga Faavae
Fa'aleleia auaunaga o le suāvai	<p>Fa'ao'o le suāvai maua i 'āiga 'olo'o nonofo i uta ma lē maua se vai</p> <p>Aumai vaitimu fa'atali mo aiga a'afiagofe e fai ma vaifofō mo sina taimi pu'upu'u</p> <p>Aumai vaitimu fa'atali mo fale saogalēmū e sulufa'i i ai ia ua fa'ailogaina</p> <p>Lagolago e le itūmālō ma le nu'u polokalame a le SWA e fa'asoasoa ai le suāvai i taimi o lāmala</p> <p>Lagolago e le itūmālō taumafaiga a le SWA e sa'ili'ili solo ai vaivili i le itūmālō</p> <p>Lagolago e le itūmālō ma nu'u taumafaiga a le SWA e puipui ma fa'asao vaivili, vai maua ma vāega 'olo'o iai 'apovai</p> <p>Matāfaioi:SWA/ MWCS/ MNRE / Itūmālō/ Nu'u/ CSSP</p>	<p>Si'itia le fa'amāsani i suiga i vaitaimi o lāmala</p> <p>Fa'aleleia le maua'a o ātina'e tetele ma le vave ona toe fa'aleleia</p> <p>Fa'aleleia le soifua mālōlōina ma le tūmamā</p> <p>Fa'aitiitia le filogia o le suāvai maua</p> <p>Fa'aitiitia a'afiaga mai lōloga o gā'uta</p>	<p>Ātina'e ma resitala tūlāfono a le Itūmālō/Nu'u 'ia aofia ai ma tūlāfono fa'ataatau i ātina'e 'olo'o fai i vāega 'olo'o iai 'apovai ma vaivili</p> <p>Fa'atino le fuafuaga fa'aagaaga mo le 10 tausaga a le SWA (2016) i le fa'aleleia o feso'ota'iga o suāvai maua e fesoasoani ai i 'āiga 'olo'o nonofo i gā'uta ma lē maua se suāvai inu</p> <p>'Ia aofia i le pāketi le fa'apolokalameina o le ataq fa'ata'atia ma tau fa'aopoopo o le suāvai maua fa'apea ma le aumaiga o vaitimu fa'atali</p> <p>Fa'aaogā ata o nofoaga lamatia ma su'esu'ega na maua mai e le Tagata su'esu'e i le fa'atūlagaga o laufanua e fa'ailoa mai ai ata fa'ata'atia talafeagai</p> <p>Fa'aaogā fono fa'alemāsina a Sui o Nu'u e tulimata'i ai le tūlaga 'olo'o iai polokalame ma matāfaioi a le nu'u</p>	<p>Fuafuaga Fa'ata'atia o le CIM 2015</p> <p>Fuafuaga a le Vāega o Suāvai ma Vai Lafoa'i</p> <p>Fuafuaga Fa'aagaaga mo le 10 Tausaga a le SWA (2016)</p> <p>Fuafuaga mo le Itūmālō o Faleālupo</p> <p>Fuafuaga Gālulue Fa'atasi a Nu'u ma Alaalafaga</p> <p>Fuafuaga a le Vāega o le Soifua Mālōlōina</p> <p>Fuafuaga a le Vāega o Nu'u ma Alaalafaga</p>
Eletise	<p>Tuuina I lalo o le eleele laina eletise I le lumanai</p> <p>Fa'atutū ma feso'ota'i le eletise mo i lātou 'olo'o nonofo i gā'uta</p> <p>Toe si'i laina ma pou eletise i se nofoaga e maua'a atu pe 'ā toe sui uaea eletise</p> <p>Fai mōlī'auala i auala i vāega e mo''ōmia ai mo le saogalēmū o le nu'u</p> <p>Fa'atutū ma feso'ota'i le</p>	<p>Fa'atūmau le maua pea o le eletise i taimi 'uma e aofia ai ma taimi o mala fa'alēnatura.</p> <p>Fō'ia fa'alavelave tutupu ona o poumōlī pālalasi.</p>	<p>Tulimata'i le fa'asoasoa o feso'ota'iga o le eletise 'ina 'ia fō'ia ai le 'ova fa'aaogā o le eletise i poumōlī ma o'o ai ina pepē mōlī</p> <p>Fa'aaogā le Fuafuaga a le Nu'u o Faleālupo e Toe Si'itia Ese mai Sone Lamatia e fai ma ta'iala i fuafuaga o ātina'e tetele i le va'aiga mamao i le lumana'i</p>	<p>Fuafuaga a le Vāega o Mālosi'aga tau Eletise i Sāmoa</p> <p>[Fa'ata'i] Fuafuaga a le Nu'u o Faleālupo e Toe Si'itia Ese mai Sone Lamatia (VHZRP)</p>

	<p>eletise e maua mai le lā pe 'ā maua</p> <p>Taofia 'āiga mai le fauina o ā lātou fale ma ātīna'e latalala i poumōlī</p> <p>Matāfaioi: EPC/ MWTI/ Nu'u/Aiga</p>			
<p>Ātīna'e a le nu'u 'olo'o i totonu o sone lamatia e a'afia gofie I lamatiaga faalenatura e pei o fale o 'āiga, faleā'oga, Falesā, Pisinisi, fale Komiti ma isi fausaga fa'apēnā</p>	<p>Toe si'itia ese mai sone lamatia e maualuga le ono a'afia fale/ātīna'e tetele pe 'ā mana'omia le toe sui</p> <p>Fa'atūlaga ma fai fa'alauiloa e fa'atōsina ai le fai o fale maua'a ma fuafuaga fa'ata'atitia mo i lātou 'olo'o nonofo i totonu pe latalala i sone lamatia e maualuga elono a'afia</p> <p>Fua ata fa'ata'atia o ātīna'e tetele ma le mālamalama i sone lamatia 'olo'o iai i totonu; fa'ata'ita'iga, si'i le fa'avae o fale i vāega e a'afiagōfie i lōloga</p> <p>Ātīna'e fuafuaga i le fa'aaogāina o le 'ele'ele ma fai tūlāfono e tāofiofi ai ātīna'e i totonu o sone lamatia e maualuga le ono a'afia e pei o le CEHZ ma le CFHZ</p> <p>Taofia 'āiga ma le nu'u mai le faia o fale ma ātīna'e i luga tonu o ālātafe māsani o vai 'ona e fa'ateteleina ai lōloga ma tāfega i uta ma si'isi'i ai le sami</p> <p>Fa'afōe e le Mālō ma le itūmālō fa'agāsologa o pēmita ma fa'atagaga mo'omia mo tagata o le nu'u e talosaga mo 'ele'ele tanu</p> <p>Matāfaioi: Nu'u / 'Āiga /MWTI/ MNRE</p>	<p>Fa'aitiitia tupe alu i meatōtino ma 'āseta na fa'aleagaina</p> <p>Fa'aitiitia mea fa'aleagaina mai le tafia o le gātaifale ma lōloga ma lamatia ai</p> <p>Fa'aleleia le mafai 'ona toe fo'i i le lelei 'ina 'ia ātili maua'a ai nu'u</p> <p>Fa'aleleia tāpenapenaga ma sāuniuniga e tali atu i mala fa'alēnatura</p> <p>Saogalēmū atu nu'u, fale ma auala</p>	<p>Fa'aaogā fa'afanua o nofoaga lamatia ma Fa'amaumauga o Fa'atūlagaga o Ālāvai a le Tagata Su'esu'e i Fa'atūlagaga o le Laufanua e iloa ai ata fa'ata'atitia e fai</p> <p>Fa'amālosia le Tūlāfono Aoao o Fauga o Fale 2017</p> <p>Ūna'ia le fai o inisiua mo galuega fa'agaaga ma 'āseta tāua 'olo'o i totono o sone lamatia</p> <p>Nofoaga 'olo'o iai le IFHZ, CEHZ ma le CFHZ e fai ma sone "ono a'afia" ma fai tūlāfono ma pāpuipui talafeagai fa'atatau i le fa'aaogāina o le lau'ele'ele</p>	<p>Tūlāfono mo Fauga o Fale</p> <p>Fuafuaga Fa'ata'atia o le CIM 2015</p> <p>[Fa'ata'i] Fuafuaga Fa'ata'atia a Sāmoa mo le Toe Si'itia o Nofoaga 2016 ma le Fuafuaga o le Toe Si'itia Ese mai Sone Lamatia mo le Nu'u o Faleālupo (VHZRP)</p>
<p>Fa'aleleia auala i tai i le auala ta'amilo mai</p>	<p>Fa'aleleia le auala ta'amilo</p> <p>Matāfaioi: Nu'u</p>	<p>Saogalēmū atu nu'u, fale ma auala</p>	<p>Fai se mea lelei e mafai 'ona fai, fai se EIA mo auala ua talosagaina mo</p>	<p>NISP2011 KESO 5</p> <p>TSP2014-2019 Tini 2</p>

Faleālupo tai i Tufutāfoe	<i>/MWTI/ MNRE</i>		uta ma fa'atino fautuaga Fa'aaogā Fa'afanua o Nofoga Lamatia ma Fa'amaumauga o Ātina'e a le Tagata Su'esu'e i Fa'atūlagaga o le Laufanua e iloa ai nofoaga ma ata fa'ata'atia e tatau 'ona fai Fa'aaogā le Fuafuaga o Fa'ata'atia mo le Toe Si'itia o Faleālupo e limata'ita'ia ai fuafuaga o le toe si'itia o ātina'e tetele i le lumana'i	KO 1 [Fa'ata'i] Fuafuaga Fa'ata'atia a Sāmoa mo le Toe Si'itia o Nofoga 2016 ma le Fuafuaga o le Toe Si'itia Ese mai Sone Lamatia mo le Nu'u o Faleālupo (VHZRP)
Fa'aleleia Auala Gālue 1 & 2 e fai ma ala e ono mafai 'ona sōsola i ai tagata Faleālupo tai	Fa'atūmau e le nu'u le alavale i le vaomatua o mago e fai ai o se polokalame e fa'amatamata ai tūrisi Fa'aaogā e le nu'u fautuaga a le CDCRM e fa'afae ai fa'alavelave fa'afuase'i Talatalanoa lelei 'āiga i le toe si'itia i fanua i Faleālupo uta Matāfaioi: Nu'u	Fa'aitiitia le ono fa'aleagaina mai le tafia o le gātaifale ma lōloga e māfua ai 'ona lamatia Saogalēmū atu nu'u, fale ma auala	Fai se mea lelei e mafai 'ona fai, fai se EIA mo auala ua talosagaina mo uta ma fa'atino fautuaga	Fuafuaga a le Vāega o Nu'u ma Alaafaga Fuafuaga a le Itūmālō o Faleālupo
Fafagaina o le matāfaga/fausaga e puipuia ai le matafaga	Fa'atino le toe fa'aleleia o le tūlaga na iai le matāfaga i nofoaga e mana'omia tele ai 'ina 'ia puipuia le auala i tai fa'apea ma nofoaga fa'aleaganu'u ma mata'aga o talafa'asolopito 'olo'o i totonu o Faleālupo tai mai lōloga, tafia o le gātaifale ma mala fa'alēnatura Matāfaioi : MNRE/ STA/ Fono o le Nu'u	Fa'aleleia le maua'a o ātina'e tetele ma le vave ona toe fo'i i le lelei Fa'aitiitia a'afiaga mai le tafia o le gātaifale Saogalēmū atu nu'u, fale ma auala Fa'aitiitia tupe alu i meatōtino ma 'āseta na fa'aleagaina	Fa'agaoioi le EIA Fa'aaogā fautuaga a le EIA ma a'oa'oga na maua mai le galuega i le toe fa'aleleia o le matāfaga a Manase e fuafua i ai se ata fa'ata'atia e fa'aleleia ai le matāfaga ma fetau ma le tūlaga 'olo'o iai Faleālupo tai Iloiloga o tau o fa'amanuiaga 'ina 'ia aofia ai ata fa'ata'atia talafeagai ma ata fa'ata'atia tau fa'afuaga o le galuega ma le tau e va'ava'ai lelei ai, fa'aopoopo atu ai ma le aofa'iga o le tupe fa'avae o le galuega	Fuafuaga Fa'ata'atia o le CIM 2015 NESP 2018 - 2022 Fuafuaga a le Vāega tau Tūrisi
Fale e sulufa'i i ai ma se auala ui e feso'ota'i i ai mo fa'alavelave fa'afuase'i e	Su'esu'e ma/pe filifili se nofoaga 'olo'o iai nei po o se fale sulufa'i fou e aofia ai ma auala ui saogalēmū	Fa'aleleia le maua'a o ātina'e tetele lautele Fa'aleleia	Fa'amālosia le Tūlāfono Aoao o Fauga o Fale 2017 Fa'aaogā fa'afanua o nofoaga lamatia ma su'esu'ega na	Fuafuaga o Fa'afuaga Aoao o Mala 2017-2021 Tūlāfono Aoao o

<p>tāpenapena ma tali atu i ai</p>	<p>e o'o ai i le fale sulufa'i</p> <p>Fa'avasega ma fai se su'esu'ega o fale sulufa'i ma maka i luga o le fa'afanua o nofoaga lamatia o le Fuafuaga o le CIM</p> <p>Ātina'e se Fuafuaga e Fa'afoe ai Mala o le Tau a le Nu'u (VCDMP)</p> <p>Fai a'oa'oga mo i lātou e iai mana'oga tūmau o le soifuaga fa'atatau i fuafuaga fa'ata'atitia e tali atu ai i fa'alavelave fa'afuase'i ma mala</p> <p>Fa'atino le polokalame o le CDCRM</p> <p>Fa'atutū fa'ailo talafeagai e ta'ita'ia ai le nu'u i taimi e tali atu ai i fa'alavelave fa'afuase'i ma fa'agāsologa e o'o ai i nofoaga saogalēmū po o fale sulufa'i</p> <p>A lēai ni fale talafeagai o iai i se nofoaga, fau ni fale mo taimi fa'afuase'i i fafo o sone lamatia</p> <p>Toe fa'aopoopo isi vāega talafeagai mo faleā'oga po o falesā ua fa'ailogaina ma 'olo'o i fafo o sone lamatia e fai ma nofoaga saogalēmū po o fale e sulufa'i i ai</p> <p>Matāfaioi: MNRE /DMO/ MWTI/Nu'u /CSSP/Fono a 'Ekālēsia So'ofa'atasi/MWCSD</p>	<p>tāpenapenaga ma sāuniuniga e tali atu i mala fa'alēnātura</p>	<p>maua mai e le Tagata Su'esu'e i le Fa'atūlagaga o le Laufanua e fa'ailoa mai ai nofoaga ma ata fa'ata'atitia e fai</p>	<p>Fauga o Fale</p> <p>Faiga Fa'avae Aoao mo Tagata e Iai Mana'oga Tūmau o le Soifua</p>
<p>Puna'oa Fa'alēnātura ma le Si'osi'omaga</p>	<p>Fofo Talafeagai</p>	<p>Fa'amanuiaga</p>	<p>Ta'iala Fesoasoani i Fa'atinoga</p>	<p>Taiala ma Fuafuaga Talafeagai ma Faiga Faavae</p>
<p>Toe fa'aleleia ma puipui nofoaga vailaloa</p>	<p>Fa'aaogā fa'ato'aga o lā'au fefilo'i ma faiga o fa'ato'aga lā'au a le nu'u 'ae le'o le tatu'u o lā'au e pei ona faia i le taimi lenei</p> <p>Ūna'ia le toto o itū'āiga lā'au esee māsanī e fua i</p>	<p>Puipui le vāega e gata ai le sami mai galu fafati māsanī</p> <p>Fa'atūmau le ola feso'ota'i o mea e ola</p>	<p>Ātina'e se fuafuaga e fa'afoe ai 'ele'ele feso'ota'i ma le fa'amoemoe e fa'aititia ai nisi gaoioiga lē mana'omia e ono ātili a'afia ai le nofoaga fa'alēnātura o mea e ola 'olo'o iai i se vāega</p>	<p>Fa'ata'i NESP2016-2020</p> <p>Fuafuaga o Ātina'e a Nu'u 2016-2021</p> <p>Tūlāfono Mautū a Fono a Nu'u</p>

	<p>fuafuaga o galuega fa'atino 'olo'o fai ai ālāvai fuafua ma fa'atonutonu lelei</p> <p>Tu'upā manuvaefā tausi a 'āiga ina ia fa'aitiitia ai le fa'aleagaina o nofoaga vailalao</p> <p>Fa'amālosia le Sone o Fa'afoega o Vaeveaga o Vai i 'auvai ma fai tūlāfono ma tāofiofi ātina'e fai latalata ane i nofoaga vailalao</p> <p>Fai āsiasiga faifaipea o vao ma lā'au 'olo'o ola fa'atasi i le pala/nofoaga vailalao e tulimata'i ai le mālōlōina o lā'au ma vao</p> <p>Matāfaioi :MNRE/Nu'u/MWCSD</p>	<p>fa'alēnatura</p> <p>Fa'aitiitia lōloga i uta ma nofoaga vailalao</p> <p>Fa'aleleia le soifua mālōlōina ma le tūmamā</p> <p>Fa'aitiitia tāfega pāpā mai ala o vaitafe</p>	<p>Fautua mai le Vaomatua o le MNRE fa'atatau i lā'au 'ese'ese talafeagai ma fetau ma le nofoaga e toto ai ma aumai ma fatulā'au o itua'iga lā'au 'ese'ese e fetau male si'osi'omaga (vāega maualalo o le gātaifale) ma meafaigaluega a le nu'u mo le totōina o lā'au</p> <p>Fa'afou ma lesitala tūlāfono a le Nu'u o Faleālupo 1998 e aofia ai ma le fa'asā ona 'eli ma la'u le oneone ma le fa'aotaota fa'asolitūlāfono</p> <p>Fa'aaogā fono fa'alemāsina a Sui o Nu'u e tulimata'i ai fa'agāsologa o polokalame fa'alauilao e fa'amamā ai le nu'u</p>	<p>(Tūlāfono Toe Teuteu 2016)</p> <p>Fuafuaga a le Itūmālō o Faleālupo</p> <p>Tūlāfono a le Nu'u o Faleālupo</p>
<p>Mana'omia le puipuia o le gātaifale i lā'autotō mo vāega pito i a'afiagōfie</p>	<p>Toto lā'au 'ese'ese masai fa'asolosolo i vāega o le gātaifale e fa'amālosia ai taligalu 'olo'o iai nei ma fa'aitiitia ai le tafia o le gātaifale ma 'ele'ele solo; o lā'au o le talie, fetau, toa ma togātogo e iloga lelei le maua'a atu i mala fa'alēnatura ma suiga o tūlaga o le tau</p> <p>E mana'omia le mamao 'ia lē itiiti ifo ma le 200m le mamao 'ina 'ia mai 'ona tali galue e fafati mai</p> <p>Matāfaioi : MNRE/MAF/Nu'u</p>	<p>'Ole'ā tāofiofia ma fa'amālosia ātina'e tetele 'olo'o i le gātaifale i le taimi nei po o ātina'e tetele fou 'ona o lā'autoto 'olo'o puipuia le gātaifale</p> <p>Fa'aitiitia a'afiaga mai le tafia o le gātaifale ma mala fa'alēnatura</p> <p>Fa'atino le Auala Fa'avae o Mea e ola 'ese'ese 'olo'o feso'ota'i i le si'osi'omaga</p>	<p>Ātina'e se fuafuaga e fa'afoe ai 'ele'ele feso'ota'i mo le itūmālō o Faleālupo ma le fa'amoemoe e fa'aitiitia ai nisi gaoioiga lē mana'omia e ono a'afia ātili ai nofoaga fa'alēnatura o meaola 'olo'o feso'ota'i ai i lea vāega</p> <p>Fesoasoani le MAF e fa'avae se nofoaga fa'ata'ita'i e tu'u ai lā'au 'ese'ese e fetau ma le tau</p> <p>Gālulue fa'atasi le vāega o le Vaomatua a le MNRE, DEC ma le MAF e aumai lā'autoto e maua'a i le tau</p>	<p>NESP 2018- 2022</p> <p>Fuafuaga Fa'ata'atia o Lā'autotō e Lua Miliona 2015-2020</p> <p>Fuafuaga Fa'agaoioi e Toe Fa'aola ai Lā'au 2016-2020</p> <p>Tūlāfono Mautū o Fa'afoega o Vaomatua 2011</p>

<p>'Eligāoneone lē fa'aauuina (fa'apisinisi ma 'āiga)</p>	<p>Fa'ailoa isi auala e fa'aauau ai le fa'aaogāina o le oneone/ma'a e 'āiga</p> <p>Su'esu'e a'afiaga o le eliga o le oneone</p> <p>Fa'atalanoaga a le nu'u fa'a'atau i faiga fa'avae ma tūlāfono o le 'eli oneone</p> <p>Gālulue fa'atasi le Nu'u ma le Mālō e fa'ailoa vāega e talafeagai mo le eliga o le oneone/ma'a</p> <p>Fai fa'alauiloa ma lagolago faiga e fa'aauau ai pea le fa'aaogāina o le 'ele'ele</p> <p>Matāfaioi: MNRE/ Nu'u/Aiga</p>	<p>Fa'aitiitia a'afiaga o mea e ono fa'aleagaina 'ona o le tafia o le gātaifale ma lōloga e māfua ai 'ona lamatia</p> <p>Saogalēmū atu nu'u, fale ma auala</p> <p>Fa'aitiitia a'afiaga mai le tafia o le gātaifale</p> <p>Fa'amanuiaga tau ālātupe mo le nu'u mai fa'atinoga o 'eligāoneone fa'aauuina pea</p>	<p>E fa'aauau pea e le MNRE 'ona fa'ailoa nofoaga patino mo 'eligāoneone/ma'a i tai ma uta e tali ai mana'oga e aunoa ma le fa'aaogāina o 'auvaitafe</p> <p>Fai su'esu'ega o nofoaga 'ua fa'ailogaina fa'apitua</p> <p>Fai fa'atalanoaga ma tagata o le nu'u 'olo'o a'afia i fuafuaga e 'eli ai le oneone/ma'a</p> <p>Ātina'e ma lesitala tūlāfono a le Itūmālō e aofia ai ma le fa'afoeina ma le tulimata'iga o le 'eliga o le oneone/ma'a mai vaitafe mo le fa'aaogāina e 'āiga</p> <p>Fa'aaogā fono fa'alemāsina a Sui o Nu'u e tulimata'i ai fa'agāsologa o fa'atinoga o Fuafuaga o le CIM</p>	<p>Tūlāfono Mautū o fono a le Nu'u (Tūlāfono Toe Teuteu 2016)</p> <p>Fa'ata'i o Tūlāfono Taufu'aofi o Fa'afoeaga o Puna'oa o le 'Ele'ele</p>
<p>Alamanuia ma le Lava o Taumafa</p>	<p>Fofo Talafeagai</p>	<p>Fa'amanuiaga</p>	<p>Ta'iala Fesoasoani i Fa'atinoga</p>	<p>Taiala ma Fuafuaga Talafeagai ma Faiga Faavae</p>
<p>E lamatia le lava o mea'ai 'ona o suiga o le tau ma lē lava le 'ele'ele e totō ai lā'au</p>	<p>Si'itia le tūlaga ma fa'afaigōfie ona toto lā'au e 'aina a'a (e pei o ufi, 'umala) e mau'a atu i taimi o afā, lāmala ma lōloga</p> <p>Si'itia le tūlaga tau fa'ato'aga o lā'au fefiloi ma fa'afefiloi lā'autoto e aofia ai itū'āiga lā'au 'ese'ese o fuālā'au 'aina suamalie 'ina 'ia fa'aitiitia ai le a'afiagōfie ona o meaola nini'i fa'alafuā ma fa'amā'i</p> <p>Fa'atino le Polokalame Feso'ota'i o Fa'afoga o Manu Nini'i Fa'alafuā</p> <p>Fa'atino faiga e Fa'aauau</p>	<p>Fa'atūmauina le feso'ota'i fa'alēnatura o meaola 'ese'ese ma o lātou si'osi'omaga</p> <p>E fau ai se nu'u e ola ma lava mea'ai ma mau'a</p> <p>Fa'aleleia tāpenapenaga ma sāuniuniga e tali atu i mala fa'alēnatura</p>	<p>Fai ni a'oa'oga e le MAF, ma fa'alauiloa le lagolagoina o lā'au fa'afaiilele e tu'uina mai, fa'atasi ma auala fa'atekonolisi ma ātina'e tetele</p> <p>Fai ni a'oa'oga e le MAF e fa'ailoa ai le 'ese'ese o la'u e fetai ma talafeagai ma a'afiaga 'u'umi o le suiga o le tau e pei o taimi o lāmala ma tīmuga</p> <p>Fesoasoani le MAF e fa'atū se nofoaga e fa'ata'ita'i ai itū'āiga lā'au 'ese'ese e fetai ma le tau</p> <p>Ātina'e se fuafuaga o fa'afoga o 'ele'ele feso'ota'i ma le fa'amoemoe e</p>	<p>Fuafuaga a le Vāega tau Fa'ato'aga 2016-2021</p> <p>Fuafuaga Gālulue Fa'atasi ma Nu'u</p> <p>Fuafuaga a le Itūmālō o Faleālupo</p> <p>Fuafuaga Fa'ata'atia mo le Totōina o Lā'au e Lua Miliona 2015-2020</p> <p>Fuafuaga Fa'agaoioi e Toe Totō ai Lā'au 2016-2020</p>

	<p>ai pea le Fa'afoga o 'Ele'ele (SLM)</p> <p>Toe totō lā'au o itū'āiga 'ese'ese i le vāega pito i luga o le vaomatua e toe fa'aleleia ātili ai le maua'a ma le gālulue feso'ota'i o meaola ma o lātou si'osi'omaga</p> <p>Fai se nofoaga e fa'ata'ita'i ai lā'au o itū'āiga 'ese'ese e fetau ma le tau</p> <p>Matāfai: MAF/ MNRE/Nu'u/CSSP</p>		<p>fa'aitiitia ai nisi lava gaoioiga lē mana'omia e ono a'afia ai nofoaga fa'alēnatura o meaola 'ese'ese 'olo'o feso'ota'i i o lātou si'osi'omaga i lea vāega</p> <p>Faufautua le vāega o le Vaomatua a le MNRE fa'atatau i itua'iga lā'au talafeagai e fetau mo le totōina ina ia maua vao ma lā'au o itū'āiga 'ese'ese e fetau ma nofoaga 'olo'o iai ma aumai meafaigaluega e totō ai lā'au a le nu'u</p>	
<p>Polokalame Fa'asao a le Itūmālō/Nu'u</p>	<p>Fa'asā ona fa'ato'a ma tatipi lā'au o le vaomatua i vāega malifa ma tofē 'ina 'ia tāofiofia ai 'ele'ele tafia ma 'ele'ele solo</p> <p>Fa'amālosia le Sone Feso'ota'i o le Vai ma le Elele o Fa'afoga o Nofoaga Vailaloo ma fa'atonutonu ātina'e latalata i le vāega maua luga o le vaomatua</p> <p>Fai se fa'alauiloa lautele e fa'atosina ai vāega fa'asao ma fa'avae se māliega o se "leoleoga fa'atuā'oi" ma le itūmālō e tulimata'i ma līpotia ai le fa'asolitulafou ua tatu'u i lalo le vaomatua</p> <p>Fesoasoani le itūmālō/fono o nu'u e si'itia le ātina'e o le vāega o fa'ato'aga o lā'au fefiloi e ala i le fa'amālosi'au e fa'aaogā faiga talafeagai o fa'aaogaga o 'ele'ele ma fofō ni fa'afitāuli e feso'ota'i ma fanua pe 'ā mafai ai</p> <p>O le Mālō, itūmālō ma nu'u e tulimata'i, līpoti ma fai sala o tagata solitulafono</p>	<p>Puipui ma fa'alelei ātili le lasi o itū'āiga lā'au 'ese'ese 'olo'o maua i le lōtoifale</p> <p>Fa'aaogā tatau 'au'aunaga ma aogā o meaola 'ese'ese ma o lātou si'osi'omaga</p> <p>Fa'aitiitia le fa'aleagaina o le suāvai maua 'ona o otaota ma vai filogia</p> <p>Fa'aitiitia a'afiaga mai lōloga o gā'uta</p>	<p>Ātina'e fuafuaga o fa'afoga o 'ele'ele feso'ota'i ma le fa'amoemoe e fa'aitiitia ai nisi gaoioiga lē mana'omia e ono a'afia tele ai nofoaga fa'alēnatura ma si'osi'omaga o meaola 'ese'ese 'olo'o iai</p> <p>Ātina'e se Polokalame Fa'asao o le Vaomatua/Fuafuaga o Fa'atinoga mo le Itūmālō o Faleālupo</p> <p>Fa'afou ma lesitala tūlāfono o le 1998 a le nu'u o Faleālupo e aofia ai ma fa'asalaga ona o le fa'asolitulāfono 'ona tatu'u le vaomatua i fanua o le itūmālō</p> <p>Fa'aaogā fono fa'alemāsina a Sui o Nu'u e tulimata'i ai fa'agāsologa o polokalame a le nu'u</p>	<p>Faiga Fa'avae o Ātina'e Fa'aauau pea o le Vaomatua</p> <p>Tūlāfono tau Tatu'u o Lā'au mo Laupapa</p> <p>Fuafuaga a le Itūmālō o Faleālupo</p> <p>Tūlāfono a le Nu'u o Faleālupo</p>

	<i>Matāfaioi: MNRE/ Itumalo/Fono a Nu'u</i>			
Pūlega	Fofu Talafeagai	Fa'amanuiaga	Ta'iala Fesoasoani i Fa'atinoga	Taiala ma Fuafuaga Talafeagai ma Faiga Faavae
Fa'amālosia pūlega o puna'oa fa'alēnatura ma le fa'aaogāina o le 'ele'ele e ala i tūlāfono	<p>Fa'afou ma/pe ātina'e tūlāfono e fa'afue ai le fa'aaogāina o puna'oa fa'alēnatura ma fa'atonutonu a'afiaga mai le fa'aaogāina o le 'ele'ele; e pei o le fa'atūmauina le lelei o ālavai, fa'aotaota, 'eligāoneone, meaola ta'aloloa ma ātina'e le fa'atonutonu o vāega 'olo'o iai 'apovai ma latalata i vaivili</p> <p>Gālulue fa'atai ma Sui o Nu'u e tulimata'i le fa'aaogāina ma a'afiaga e o'o i ai puna'oa fa'alēnatura</p> <p>Fesoasoani e fa'aaauu fa'alauiloa o polokalame ma le nu'u</p> <p>Matāfaioi: MWCS D /Nu'u</p>	<p>Fa'amālosia le fa'atinoina o fuafuaga aoao a vāega 'uma</p> <p>Fa'amālosia le tulimata'ina o Tūlāfono Mautū, Tūlāfono Fa'atonutonu, Fuafuaga Fa'ata'atitia, Fuafuaga ma Faiga Fa'avae Aoao 'uma</p> <p>Fa'aleleia le mafai e le nu'u ona fa'amāsani, tli atu ma vave 'ona fo'i i le lelei mo se vaitaimi umi i le lumana'i</p> <p>Fa'aleleia le mafai 'ona tali atu ma mafai e le nu'u 'ona fa'aaogā le si'osi'omaga</p>	<p>Ātina'e ma lesitala tūlāfono a le itūmālō/nu'u e puipuia ai 'āseta 'uma a le itūmālō/nu'u ma le mālō, si'osi'omaga, ola ma lava mea'ai aemaise gaoioiga e a'afia ai vāega 'olo'o iai 'apovai ma vāega e gata ai le sami</p> <p>Fa'aaogā fono fa'alemāsina a Sui o Nu'u e tulimata'i ai fa'agāsologa o tūlāfono a le itūmālō/nu'u</p>	<p>Tūlāfono Mautū o Fono a le Nu'u (Tūlāfono Toe Teuteu 2016)</p> <p>Fuafuaga a le vāega o Nu'u ma Alaalafaga</p> <p>Fuafuaga o Ātina'e a le Nu'u ma Alaalafaga 2016-2021</p>



Fa'afanua o Faleāluo

Falealupo District



Coordinate System: GCS WGS 1984
 Datum: WGS 1984
 Units: Degree

Data Source: Ministry of Natural Resource and Environment, Samoa
 Map Production: Spatial & DRM Specialist, Adaptation Fund - Enhancing Resilience of Coastal Communities of Samoa to Climate Change Project

Fa'afanua o Falealupo-tai

Falealupo-tai



Coordinate System: GCS WGS 1984
 Datum: WGS 1984
 Units: Degree

Data Source: Ministry of Natural Resource and Environment, Samoa
 Map Production: Spatial & DRM Specialist, Adaptation Fund - Enhancing Resilience of Coastal Communities of Samoa to Climate Change Project

Fa'afanua o Faleālupo uta



Coordinate System: GCS WGS 1984
 Datum: WGS 1984
 Units: Degree

Data Source: Ministry of Natural Resource and Environment, Samoa
 Map Production: Spatial & DRM Specialist, Adaptation Fund - Enhancing Resilience of Coastal Communities of Samoa to Climate Change Project

Fa'afanua o Itūmālō o Savai'i

